

concessione supra dicta tria excepta intelliguntur, nisi expresse concedantur. Vbi aduertit ex magistro à Veracruce in Compendio Indico, verbo, Absolutio, notab. i. q̄ dato q̄ in priuilegiis, vel alibi concedatur alicui absolutio ab Excommunicatione, non inde inferatur ab solutionem à Suspensione, vel Interdicto concedi. Et similiter dato concedatur, absolutio à Suspensione, non statim est inferendum concedi, ab solutionem ab Excommunicatione. l. Interdicto: nam non sunt istæ censuræ connexæ, neq; habent eundem effectum. At vero si in litteris Apostolicis detur facultas absoluedi a quacumque censura Ecclesiastica, tunc optime sequitur, concedi ab solutionem & ab Excommunicatione & à Suspensione & ab Interdicto, quia nomine censuræ quando in litteris Papæ habetur, veniunt omnes tres dictæ, scilicet, Excommunicatio, Suspendio, & Interdictum. Sic habetur expresse. c. querenti de Verborum, sig. quod nota quoniam quàm saepe in nostris priuilegiis conceditur potestas absoluedi à quacumq; censura Ecclesiastica.

¶ PROVINCIALES Mendicantium [ac 4
 ipsis absentibus] Vicarij Prouinciarum, ac
 illi quibus specialiter & expresse commisse-